



SMJERNICE ZA IZRADU STRATEGIJE RAZVOJA MALE PRIVREDE FEDERACIJE BiH od 2022. do 2027. GODINE

Strategija razvoja male privrede Federacije BiH za period 2022.-2027. godina izrađuje se u okviru projekta SBA u BiH2EU (Projekat). Projekat provodi Agencija za razvoj preduzeća – Eda, Banja Luka, a finansiran je od strane Švedske, posredstvom Švedske agencije za međunarodni razvoj i saradnju - SIDA.

SADRŽAJ

I Svrha i principi procesa izrade Strategije razvoja male privrede Federacije BiH	3
II Radna i savjetodavna tijela za izradu Strategije razvoja male privrede FBiH, njihova svrha, sastav i uloge	4
III Proces izrade Strategije razvoja male privrede Federacije BiH za period 2022-2027. godina	7
3.1. Faza I - Pripremna faza	7
3.1.1. Usaglašavanje sastava i formalna uspostava radnih tijela za izradu Strategije (Radno tijelo, Tematske grupe)	7
3.1.2. Priprema opisa poslova i angažman ključnih eksperata	7
3.1.3. Sastanak članova radnog tijela iz FMRPO i izabranih eksperata- upoznavanje i raspodjela zadataka	8
3.1.4. Izrada i usaglašavanje Smjernica za izradu Strategije razvoja male privrede FBiH i Akcionog plana procesa izrade Strategije razvoja male privrede FBiH	8
3.1.5. Radionica Radnog tijela i ključnih eksperata	8
3.1.6. Distribucija Smjernica i Akcionog plana za izradu Strategije razvoja male privrede FBiH i objavljivanje na web stranici FMRPO	9
3.2. Faza II - Izrada i usvajanje strateške platforme	9
3.2.1. Analiza i pregled svih važećih strateških dokumenata u Federaciji	9
3.2.2. Analiza kretanja budžetske potrošnje i gruba procjena dostupnih budžetskih i kreditnih finansijskih sredstava za finansiranje male privrede FBiH	9
3.2.3. Izrada grube situacione analize	10
3.2.4. Održavanje SWOT radionica i izrada produbljene analize	10
3.2.5. Konsultacije o strateškim ciljevima i prioritetima	11
3.2.6. Sastanak članova radnog tijela iz FMRPO i ključnih eksperata- upoznavanje sa rezultatima analize i radionica	11
3.2.7. Izrada Nacrta Strateške platforme razvoja male privrede FBiH za period od 2022. do 2027. godine ..	11
3.2.8. Radionica Radnog tijela i ključnih eksperata - razmatranje i usvajanje Nacrta Strateške platforme ..	12
3.2.9. Konsultacije o strateškoj platformi – objava na web stranici FMRPO	12
3.3. Faza III – Izrada operativnog okvira Strategije	13
3.3.1. Sastanak članova radnog tijela iz FMRPO i ključnih eksperata- definiranje prijedloga prioriteta, mjera, strateških projekata	13
3.3.2. Verifikacija prioriteta, mjera, strateških projekata	13
3.3.3. Sastanak članova radnog tijela iz FMRPO i ključnih eksperata- upoznavanje sa rezultatima analize i radionica ..	14
3.3.4. Izrada indikativnog finansijskog okvira za provođenje strateškog dokumenta	14
3.3.5. Sastanak članova radnog tijela iz FMRPO i ključnih eksperata- verifikacija IFO	14
3.3.6. Definiranje načina sprovođenja, praćenja, izvještavanja i evaluacije strateškog dokumenta	15
3.3.7. Provjera mjere usklađenosti s ostalim strateškim dokumentima u Federaciji BiH i BiH	15
3.3.8. Radionica članova Radnog tijela iz FMRPO i ključnih eksperata - razmatranje i usvajanje Nacrta Strategije razvoja male privrede	16
3.4. Faza IV – Izrada i usvajanje Strategije	16
3.4.1. Finalizacija Nacrta Strategije razvoja male privrede	16
3.4.2. Radionica Radnog tijela i ključnih eksperata - razmatranje i usvajanje Nacrta Strategije razvoja male privrede ..	16
3.4.3. Konsultacije na pripremljeni dokument	17
3.4.4. Korekcije strateškog dokumenta u skladu sa prijedlozima iz javne rasprave, dodatno usklađivanje, kontrola, lektoriranje dokumenta	17
3.4.5. Radionica članova Radnog tijela iz FMRPO i ključnih eksperata - razmatranje i usvajanje finalnog teksta Prijedloga Strategije razvoja male privrede	18
3.4.6. Radionica Radnog tijela i ključnih eksperata - razmatranje i usvajanje finalnog teksta prijedloga Strategije razvoja male privrede	18
Aneks: Sadržaj Strategije razvoja male privrede Federacije BiH za period 2022-2027. godina	19

Na temelju člana 19. stav (2) Zakona o Vladi Federacije Bosne i Hercegovine („Službene novine Federacije BiH”, br. 1/94, 8/95, 58/02, 19/03, 2/06 i 8/06), a u vezi sa odredbom člana 9. stav (4) Uredbe o izradi strateških dokumenata u Federaciji Bosne i Hercegovine („Službene novine Federacije BiH, broj 74/19), Vlada Federacije Bosne i Hercegovine, na sjednici, održanoj 03.02.2022. godine, donijela je Odluku o izradi Strategije male privrede Federacije Bosne i Hercegovine 2022.-2027. čime je pokrenut proces izrade ove sektorske Strategije.

Prema Zakonu o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH”, br. 32/17), sektorska strategija razvoja je strateški dokument nadležnih institucija Federacije BiH i kantona koji definira javne politike, pravce, ciljeve i resurse razvoja sektora i proizilazi iz integrisane strategije razvoja. Strategija razvoja male privrede FBiH je integrisani, multisektorski strateški dokument Federacije Bosne i Hercegovine koji definira politike razvoja sektora male privrede, strateške ciljeve i prioritete koji predstavljaju putokaz za sveukupni društveni razvoj.

Proces pripreme Strategije razvoja male privrede FBiH će se odvijati u skladu sa odredbama Zakona o razvojnom planiranju i upravljanju razvojem u Federaciji Bosne i Hercegovine i Uredbe o izradi strateških dokumenata u FBiH ali će se koristiti i iskustva u pripremi integriranih strategija razvoja ali i sektorskih strategija u kantonima, Federaciji BiH i Bosni i Hercegovini i zemljama okruženja kroz sistematično poređenje sa drugim administrativnim regionima, kako bi se u obzir uzeli svi relevantni elementi koji će determinirati kako analizu stanja potrebnog za izradu dokumenta tako i cijelog sadržaja dokumenta. Strategija razvoja male privrede FBiH 2022-2027. će biti u skladu sa razvojnim pravcima definiranim u Strategiji razvoja Federacije 2021-2027., kao i drugim relevantnim strateškim dokumentima BiH i Federacije BiH, dokumentima relevantnim za proces europskih integracija i drugim međunarodno preuzetim obavezama Bosne i Hercegovine, uključujući i Agendu 2030 koju je donijela Generalna skupština UN-a. Koristit će se i Izvještaj o razvoju koji Federalni zavod za programiranje razvoja izrađuje svake godine, Strateške smjernice za harmonizaciju podrške razvoju MSP i preduzetništva u BiH 2021-2027, SBA (Small Business Act) i Indeks MSP politika, akcioni planovi implementacije SBA principa za Federaciju Bosne i Hercegovine, informacije o implementaciji akta o malom biznisu (SBA), akcioni planovi za razvoj MSP-a FBiH kao i drugi relevantni dokumenti i naučene lekcije iz procesa njihove pripreme i implementacije. Dodatno, u izradi Strategije razvoja male privrede koristit će se podaci i iskustva stečena u procesima razvojnog planiranja i provedbe strategija razvoja u FBiH, kantona i jedinica lokalne samouprave.

Ovakav dokument treba da definira viziju razvoja male privrede FBiH, razvojne ciljeve i prioritete. U procesu izrade Strategije razvoja male privrede posebno je važno osigurati dosljednu primjenu načela planiranja utvrđenih članom 4. Zakona o razvojnom planiranju i upravljanju razvojem u Federaciji.

Navedena Strategija biti će ključni dokument za izradu trogodišnjeg plana rada Federalnog ministarstva, razvoja, poduzetništva i obrta, godišnjeg plana rada ovog Ministarstva, dokumenta

okvirnog budžeta (DOB) i Programa ekonomskih reformi (ERP). Ista može predstavljati podlogu za izradu strategija razvoja male privrede kantona i jedinica lokalne samouprave u FBiH.

U skladu sa Članom 17. stav (5), Strategiju razvoja male privrede FBiH donosi Parlament Federacije BiH na prijedlog Vlade Federacije BiH.

II Radna i savjetodavna tijela za izradu Strategije razvoja male privrede FBiH, njihova svrha, sastav i uloge

Nositelj izrade Strategije razvoja male privrede FBiH je Federalno ministarstvo razvoja, poduzetništva i obrta, dok je zasebno Radno tijelo zaduženo za izradu Strategije. Sudionici u procesu izrade su nadležne institucije Federacije, kantona i jedinica lokalne samouprave, predstavnici poduzetnika i obrtnika, te socio-ekonomski partneri.

1. Radno tijelo za izradu Strategije razvoja male privrede Federacije Bosne i Hercegovine 2022.-2027.

Svrha: Radno tijelo za izradu Strategije razvoja male privrede Federacije Bosne i Hercegovine 2022.-2027. (u daljem tekstu: Radno tijelo za izradu Strategije) formirano je donošenjem Rješenja o imenovanju Radnog tijela za izradu Strategije razvoja male privrede Federacije Bosne i Hercegovine 2022.-2027. od strane federalnog ministra razvoja, poduzetništva i obrta. Zadatak Radnog tijela je da u saradnji sa angažiranim konsultantom – ključnim ekspertom izradi nacrt i prijedlog Strategije razvoja male privrede Federacije Bosne i Hercegovine za period 2022.-2027.

Sastav: predstavnici Federalnog ministarstva razvoja, poduzetništva i obrta (4 člana), Federalnog ministarstva energije, rudarstva (1 član), Federalnog ministarstva trgovine (1 član), Federalnog ministarstva okoliša i turizma (1 član) i Federalnog zavoda za programiranje razvoja (1 član) imenovano od strane Vlade Federacije BiH koji će u procesu izrade Strategije imati savjete od strane ključnih eksperata angažiranih za metodološku i stručnu podršku, te osiguranje kvalitete u procesu izrade Strategije.

Uloga: Priprema i organizacija procesa izrade strategije razvoja male privrede, izrada ključnih dijelova Strategije, uključujući stratešku platformu (situacionu analizu sa ključnim nalazima, SWOT analizu, razvojne pravce - strateške fokuse, viziju i strateške ciljeve sa indikatorima), programski dio (prioritete, mjere i strateške projekte sa indikatorima), okvirni finansijski plan i okvir za provođenje, praćenje, izvještavanje i evaluaciju strateškog dokumenta, osiguranje kvaliteta nacrta Strategije i usklađenosti sa relevantnim strateškim dokumentima, uključujući Strategiju razvoja Federacije BiH 2021-2027, Okvir za realizaciju ciljeva održivog razvoja BiH, nacrt Strateških smjernica za harmonizaciju podrške razvoju MSP i preduzetništva u BiH 2021-2027, SBA (Small Business Act) i Indeks MSP politika, te druge strateške dokumente od značaja, prema procjeni Federalnog ministarstva razvoja, poduzetništva i obrta. Organizacija i realizacija radionica u kojima će učestvovati predstavnici male privrede, kao i predstavnici drugih zainteresovanih strana i institucija, kao i prezentacija nacrta Strateške platforme i nacrta Strategije, u procesu javnih konsultacija, te izrada finalne verzija nacrta na osnovu komentara i sugestija dobijenih u toku javnih konsultacija. Pored angažiranih ključnih eksperata, potrebno je naglasiti i da će Agencija Eda pružiti stručnu podršku u procesu izrade polazne analize stanja MSP-a u

Federaciji BiH, na osnovu podataka koje mogu generisati i obraditi iz finansijskih izvještaja poslovnih subjekata, koje inače prikuplja Finansijska informativna agencija (FIA). Također, Eda će pružiti logističku, moderacijsku i drugu neophodnu podršku za organizovanje dvije radionice u kojima će predstavnici male privrede, kao i predstavnici drugih zainteresovanih strana i institucija, biti u mogućnosti da daju svoje sugestije, prijedloge i komentare u vezi sa izradom strategije.

Rok za uspostavu: završeno

2. Tematske grupe

Svrha: Razmatranje i usaglašavanje ključnih razvojnih sektorskih i međusektorskih izazova i potencijala, usaglašavanje razvojnih ciljeva i odabir prioriteta razvoja male privrede u Federaciji BiH.

Sastav: predstavnici kantonalnih vlada, odnosno resornih ministarstava u čijim nadležnostima su poslovi vezani za razvoj male privrede, predstavnici Privredne komore FBiH, Obrtničke komore FBiH, udruženja poslodavaca, relevantnih javnih institucija, nevladinog sektora, akademska zajednica, itd. (cca. 20 članova i članica po grupi).

Uloga: Definišu i diskutiraju o stanju u oblasti za koju su formirane, potvrđuju moguće akceleratorne i prepreke razvoja, fokusiraju pravce razvoja u predmetnoj oblasti, učestvuju u definiranju vizije razvoja male privrede, definiranju strateških ciljeva, prioriteta i strateških projekata te usaglašavanju mogućih kontradiktornosti.

Vrste tematskih grupa

Tematska grupa 1: Poduzetnička infrastruktura

Tematska grupa 2: Inovacije, digitalizacija i zelena tranzicija

Tematska grupa 3: Poslovno okruženje

Tematska grupa 4: Ciljani oblici poduzetništva

Tematska grupa 5: Obrti i srodne djelatnosti

Rok za uspostavu: 29. 08.2022. godine

3. Vijeće za razvojno planiranje i upravljanje razvojem Federacije Bosne i Hercegovine


Svrha: Savjetodavno tijelo u procesu definiranja, implementacije, monitoringa, evaluacije i izvještavanja o realizaciji razvojnih prioriteta male privrede u Federaciji koje djeluje u skladu sa principima partnerstva i saradnje

Sastav: premijer FBiH, zamjenik premijera FBiH - federalni ministar finansija, premijeri/predsjednici vlada svih deset kantona i predsjednik Predsjedništva Saveza općina i gradova FBiH. U radu vijeća učestvuje i direktor Federalnog zavoda za programiranje razvoja ili osoba koju on imenuje.

Uloga: Razmatranje ključnih nalaza i prijedloga i razvojnih prioriteta definisanih u Strategiji, razmatranje i davanje preporuka o Strategiji razvoja male privrede i i usklađenosti sa Strategijom razvoja FBiH i drugim sektorskim strategijama na nivou FBiH a prije dostavljanja Vladi FBiH na razmatranje.

Rok za uspostavu: završeno

Prikaz tijela u procesu izrade i donošenja Strategije razvoja male privrede Federacije BiH za period 2022.-2027. godina



Proces izrade Strategije razvoja male privrede Federacije BiH za period 2022-2027. odvijaće se u nekoliko faza:

- **Faza I – Pripremna faza**
- **Faza II - Izrada i usvajanje strateške platforme**
- **Faza III – Izrada operativnog okvira Strategije**
- **Faza IV – Izrada i usvajanje strategije**

Svaka od faza podrazumijeva niz koraka, kao i različite odgovorne aktere, kako će detaljnije biti objašnjeno u nastavku.

3.1. Faza I - Pripremna faza

3.1.1. Usaglašavanje sastava i formalna uspostava radnih tijela za izradu Strategije (Radno tijelo, Tematske grupe)

Opis: U okviru pripremne faze neophodno je izvršiti usaglašavanje sastava i formalnu uspostavu radnih tijela za izradu Strategije. Na nivou Federacije BiH egzistira uspostavljeno Vijeće za razvojno planiranje i upravljanje razvojem, dok je, kako je ranije pojašnjeno, potrebno formalno uspostaviti Radno tijelo za izradu Strategije kao i pet tematskih grupa.

Nosilac aktivnosti: Federalno ministarstvo razvoja, poduzetništva i obrta

Rok: završeno

3.1.2. Priprema opisa poslova i angažman ključnih eksperata

Opis: Jedan od koraka u okviru pripremne faze izrade strategije jeste i priprema opisa poslova i angažman ključnih eksperata odnosno konsultanata koji će pružiti metodološku i stručnu podršku Radnom tijelu za izradu Strategije u izradi Strategije razvoja male privrede FBIH. Proceduru pripreme opisa poslova i angažman dva ključna eksperta sprovedla je Agencija za razvoj preduzeća EDA Banja Luka, u okviru projekta SBA u BiH2EU (Projekat) koji je finansiran je od strane Švedske, posredstvom Švedske agencije za međunarodni razvoj i saradnju - SIDA.

Nosilac aktivnosti: Agencija za razvoj preduzeća EDA Banja Luka uz podršku predstavnika Federalnog ministarstva razvoja, poduzetništva i obrta

Rok: Završeno

3.1.3. Sastanak članova radnog tijela iz FMRPO i izabranih eksperata- upoznavanje i raspodjela zadataka

Opis: U okviru pripreme faze, neophodno je održati pripremni sastanak članova Radnog tijela za izradu Strategije ispred Federalnog ministarstva razvoja, poduzetništva i obrta i odabranih ključnih eksperata u svrhu upoznavanja sa dinamikom procesa, ulogama i odgovornostima u samom procesu.

Tokom sastanka kao input se koristi nacrt Akcionog plana procesa izrade Strategije razvoja male privrede Federacije BiH za period 2022.-2027. godina i radna verzija Smjernica za izradu strateškog dokumenta, kako bi se razmotrila prva radna verzija dokumenata i dobile povratne informacije od strane predstavnika nosioca izrade dokumenta – Federalnog ministarstva razvoja, poduzetništva i obrta.

Nosilac aktivnosti: Federalno ministarstvo razvoja, poduzetništva i obrta i angažirani ključni eksperti

Rok: 22.08.2022. godine

3.1.4. Izrada i usaglašavanje Smjernica za izradu Strategije razvoja male privrede FBiH i Akcionog plana procesa izrade Strategije razvoja male privrede FBiH

Opis: Smjernice za izradu Strategije razvoja male privrede Federacije BiH za period 2022.-2027. godina predstavljaju metodološko uputstvo za izradu navedene strategije i za cilj imaju osiguranje jednakog razumijevanja pojedinačnih koraka procesa izrade Strategije, dinamike i nosilaca odgovornosti uz prikaz svrhe izrade sektorsko strateškog dokumenta te radnih i savjetodavnih tijela u procesa izrade. Akcioni plan procesa izrade Strategije razvoja male privrede FBiH predstavlja detaljan tabelarni prikaz pojedinačnih koraka izrade Strategije razvoja male privrede FBiH po fazama izrade strateškog dokumenta sa naznakom krajnjeg roka za završetak pojedinih aktivnosti uz detaljan pregled broja i dinamike organizacije sastanaka radnih i savjetodavnih tijela tokom predmetnog procesa. Radne verzije navedenih dokumenata izrađuju angažirani ključni eksperti i dostavljaju na pregled predstavnicima Federalnog ministarstva razvoja, poduzetništva i obrta, a isti se potom razmatraju na sastanku članova Radnog tijela za izradu Strategije i članova tematskih grupa kako je u nastavku opisano.

Nosilac aktivnosti: Angažirani ključni eksperti uz podršku predstavnika Federalnog ministarstva razvoja, poduzetništva i obrta

Rok: 19.08.2022. godine

3.1.5. Radionica Radnog tijela i ključnih eksperata

Opis: U okviru pripreme faze, neophodno je održati prvu radionicu članova Radnog tijela za izradu Strategije i odabranih ključnih eksperata u svrhu upoznavanja sa dinamikom procesa, ulogama i odgovornostima u samom procesu. Sastanak pripremaju predstavnici Federalnog ministarstva razvoja, poduzetništva i obrta uz podršku i ko-moderiranje od strane angažiranih eksperata. Sastanku prisustvuju i predstavnici Agencije za razvoj EDA Banja Luka.

Tokom radionice kao input se koristi radna verzija Akcionog plana procesa izrade Strategije razvoja male privrede Federacije BiH za period 2022.-2027. godina, radna verzija Smjernica za izradu strateškog dokumenta, te je output sastanka usaglašen akcioni plan izrade Strategije kao i Smjernice za izradu Strategije razvoja male privrede FBiH. Tokom radionice prezentira se i planirana struktura dokumenta Strategije razvoja male privrede FBiH kao i podloga za prikupljanje podataka za izradu strateške platforme ove sektorske strategije.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 01.09.2022. godine

3.1.6. Distribucija Smjernica i Akcionog plana za izradu Strategije razvoja male privrede FBiH i objavljivanje na web stranici FMRPO

Opis: Predstavnici Federalnog ministarstva razvoja, poduzetništva i obrta od strane Radnog tijela za izradu Strategije razvoja male privrede usvojene Smjernice i Akcioni plan za izradu Strategije razvoja male privrede FBiH distribuiraju članovima radnih tijela u procesu izrade Strategije te objavljuju na web stranici Ministarstva www.fmrpo.gov.ba

Nosilac aktivnosti: članovi Radnog tijela ispred Federalnog ministarstva razvoja, poduzetništva i obrta

Rok: 02.09.2022. godine

3.2. Faza II - Izrada i usvajanje strateške platforme

3.2.1. Analiza i pregled svih važećih strateških dokumenata u Federaciji

Opis: Korak podrazumijeva prikupljanje i analizu svih dostupnih i važećih strateških dokumenata na nivou Bosne i Hercegovine, Federacije, kantona i šire (Strategija razvoja FBiH za period 2021-2027, nacrt Strateških smjernica za harmonizaciju podrške razvoju MSP i preduzetništva u BiH 2021-2027, SBA (Small Business Act) i Indeks MSP politika, sektorske strategije FBiH, integrirane i sektorske strategije razvoja kantona, sektorski planski dokumenti o okviru EU IPA, strateške odrednice Evropske unije, regionalni strateški dokumenti, zahtjevi EU, Agenda 2030, itd.) kako bi se artikulirali trenutni važeći razvojni prioriteti, posebno u oblasti male privrede. Korak obuhvata pregled i analizu izvještaja o razvoju FBiH i drugih relevantnih dokumenata koji se kao inputi trebaju koristiti u procesu izrade Strategija razvoja male privrede FBiH.

Nosioci aktivnosti: Radno tijelo za izradu Strategije

Rok: 31.08.2022. godine

3.2.2. Analiza kretanja budžetske potrošnje i gruba procjena dostupnih budžetskih i kreditnih finansijskih sredstava za finansiranje male privrede FBiH

Opis: Korak obuhvata analizu budžeta i zaduženosti Federacije BiH. Na osnovu analize izvršenog budžeta i finansiranja kapitalnih i ostalih značajnijih projekata, utvrđivanja trenda finansiranja iz budžeta i eksternih finansijskih izvora, neophodno je dati grubu procjenu mogućih izvora za finansiranje razvojnih prioriteta u oblasti male privrede u Federaciji. Rezultat aktivnosti jeste analiza

trendova i gruba projekcija mogućih finansijskih izvora za finansiranje implementacije Strategije razvoja male privrede FBiH.

Nosioci aktivnosti: Radno tijelo za izradu Strategije u saradnji sa Federalnim ministarstvom finansija i službenicima koji rade na poslovima finansija u ostalim federalnim ministarstvima (npr. kroz sastanke i elektronsku anketu), javna preduzeća.

Rok: 31.08.2022. godine

3.2.3. Izrada grube situacione analize

Opis: U okviru navedenog koraka vrši se prikupljanje podataka o pokazateljima stanja male privrede u FBiH (2017.-2021. godina) kao i stanju poduzetničkog okruženja. Radno tijelo za izradu Strategije koordinira prikupljanja podataka, te popunjene podloge dostavlja ključnim ekspertima. Na osnovu navedenih podataka ali i analize važećih strateških dokumenata sa pregledom trenutno važećih razvojnih prioriteta, izvještaja o razvoju, izvještaja o poslovanju preduzeća, DOB-a itd. izrađuje se prvi nacrt situacione analize male privrede FBiH.

Nosioci aktivnosti: Radno tijelo za izradu Strategije

Rok: 05.09.2022. godine

3.2.4. Održavanje SWOT radionica i izrada produbljene analize

Opis: U ovom koraku definišu se ključne prilike, prijetnje, snage i slabosti u podgrupama kroz radionice koje je potrebno održati na način da se strukturirano dođe do rezultata sa ciljem izrade SWOT matrice u tematskim grupama. Neophodno je utvrditi kvalitativne razvojne probleme i potrebe na osnovu ulaznih podataka iz pripremljene grube analize i dodatnih stručnih podloga koje pripremaju ključni eksperti te tematski raspravljati o vlastitim razvojnim snagama i slabostima, vanjski uslovljenim prilikama i prijetnjama u područjima poduzetničke infrastrukture, inovacija, digitalizacije, zelene ekonomije, poslovnog okruženja specifičnih oblika poduzetništva te obrta i srodnih djelatnosti, kako bi se odredili ključni okvirni razvojni prioriteti koji će biti zastupljeni u Strategiji razvoja male privrede FBiH.

Rezultati ovih radionica će se koristiti za provjeru i nadogradnju kratke situacione analize te na kraju izradu produbljene situacione i SWOT analize sa elementima TOWS i strategije kao osnov za šire diskusije i utvrđivanje razvojnih pravaca i definiranje strateških ciljeva.

Nosioci aktivnosti: Radno tijelo za izradu Strategije i članovi tematskih grupa

Rok: 10.09.2022. godine

3.2.5. Konsultacije o razvojnim pravcima i strateškim ciljevima

Opis: U ovom koraku definišu se razvojni pravci male privrede Federacije BiH kao i strateški ciljevi FBiH uz definisanje indikatora utjecaja za svaki od strateških ciljeva uz definisanje početnih i očekivanih vrijednosti indikatora na kraju perioda implementacije Strategije (2027. godine). Konsultacije se vrše kroz radionice tematskih grupa koje je potrebno održati na način da se strukturirano dođe do rezultata sa ciljem izrade potrebnih elemenata za stratešku platformu razvoja male privrede FBiH.

Nosioci aktivnosti: Radno tijelo za izradu Strategije i članovi tematskih grupa

Rok: 16.09.2022. godine

3.2.6. Sastanak članova radnog tijela iz FMRPO i ključnih eksperata- upoznavanje sa rezultatima analize i radionica

Opis: Po finalizaciji sastanaka tematskih grupa vezanih za izradu produbljene situacione analize, SWOT analize kao i razvojnih pravaca i ciljeva, neophodno je održati sastanak članova Radnog tijela za izradu Strategije ispred Federalnog ministarstva razvoja, poduzetništva i obrta i odabranih ključnih eksperata u svrhu upoznavanja sa rezultatima analize i održanih radionica.

Tokom sastanka kao input se koristi nacrt produbljene situacione analize, SWOT analize, strateških razvojnih pravaca i strateških ciljeva uz analizu prisustva i uključenosti pojedinih članova tematskih grupa.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 20.09.2022. godine

3.2.7. Izrada Nacrta Strateške platforme razvoja male privrede F BiH za period od 2022. do 2027. godine

Opis: Na osnovu inputa iz prethodnih koraka izrade Strategije (nacrt produbljene situacione analize, SWOT analize, ključnih razvojnih potreba i pravaca, strateških ciljeva te vizije razvoja) izrađuje se nacrt Strateške platforme razvoja male privrede FBiH. Kroz definisane strateške pravce ili ključna usmjerenja strategije, utvrđuju se perspektivne konkurentske prednosti kao i najkritičniji problemi koji zahtijevaju strateške intervencije u oblasti male privrede. Vizija razvoja se definira kao sažeta izjava, koja predstavlja zajedničku fokusiranu predodžbu željene promjene u dugoročnoj perspektivi kojoj će strategija razvoja male privrede doprinijeti. Ona treba da se zasniva na zaključcima situacione analize i služi kao osnov za utvrđivanje strateških ciljeva. Izjava o viziji treba da sadrži najizraženije konkurentske prednosti ili odrednice koje govore o dugoročno željenoj poziciji male privrede FBiH. Posljednji dio strateške platforme su strateški ciljevi kao izraz onoga što se želi postići u periodu važenja strateškog dokumenta, odnosno, oblasti unutar kojih je nužno djelovati. Za strateške ciljevi definišu se prateći indikatori/pokazatelji uticaja, koji će omogućiti uvid u promjene koje se postižu realizacijom tog strateškog cilja. Za navedene indikatore definišu se polazne i ciljne vrijednosti. Strateške pravce i ciljeve potrebno je razmotriti i sa aspekta pravaca razvoja i strateških ciljeva razvoja FBiH te razmotriti i

relevantne indikatore iz SDG okvira, koje je moguće preuzeti ukoliko odgovaraju nivou i prirodi strateškog cilja na koji se odnose.

Nosilac aktivnosti: Radno tijelo za izradu Strategije i ključni eksperti

Rok: 28.09.2022. godine

3.2.8. Radionica Radnog tijela i ključnih eksperata - razmatranje i usvajanje Nacrta Strateške platforme

Opis: U okviru ovog koraka realizuje se radionica Radnog tijela za izradu Strategije i angažiranih ključnih eksperata u svrhu razmatranja nacrta Strateške platforme razvoja male privrede FBiH te njenog usvajanja. Ključni eksperti prezentiraju pripremljeni nacrt članovima Radnog tijela za izradu Strategije te se nakon konačnog razmatranja i diskusije nacrt dokumenta usvaja od strane Radnog tijela te se priprema za proces javnih konsultacija.

Nosilac aktivnosti: Ključni eksperti i članovi Radnog tijela za izradu Strategije

Rok: 30.09.2022. godine

3.2.9. Konsultacije o strateškoj platformi – objava na web stranici FMRPO

Opis: U svrhu sprovedbe konsultacija o strateškoj platformi neophodno je kreirati plan konsultacija zajedno sa listom zainteresiranih strana te kanala komunikacije. Strateška platforma obavezno se razmatra na sjednici Vijeća za razvojno planiranje i upravljanje razvojem u Federaciji koje treba da razmotri nalaze iz situacione analize, te da komentira ili potvrdi predloženu viziju i strateške ciljeve.

Konsultacije se provode sa zainteresovanom javnošću u skladu sa kapacitetima i vremenskim okvirom izrade Strategije razvoja male privrede, a podrazumijevaju prezentaciju i online konsultacije strateške platforme i okrugle stolove, radionice, zavisno od dostupnih resursa i vremenskog okvira za izradu ovog strateškog dokumenta. U okviru javnih konsultacija organizuje se minimalno 1 prezentacija strateške platforme za predstavnike male privrede i socio-ekonomske aktore čiju organizaciju će podržati Agencija za razvoj preduzeća Eda. Učesnici konsultacija su, dakle, socio-ekonomski partneri (nevladin i privatni sektor), akademska zajednica i dr. Strateška platforma se dostavlja i kantonalnim vlada u FBiH.

U svrhu dobivanja povratnih informacija o strane socio-ekonomskih partnera i svih drugih zainteresiranih strana, strateška platforma pušta se u konsultacije koje treba da traju minimalno 30 dana. Strateška platforma objavljuje se na web stranici Federalnog ministarstva razvoja, poduzetništva i obrta, dostavlja Vladi FBiH, javnim institucijama, javnim preduzećima i drugim zainteresiranim stranama u FBiH. Po završetku javne rasprave, komentari i sugestije se objedinjavaju i prihvataju/odbijaju uz obrazloženje te time izrađuje finalna verzija strateške platforme koja potom služi kao osnova za operativno planiranje.

Rezultat sprovedbe ovog koraka jeste usaglašena strateška platforma Strategije razvoja male privrede FBiH za period 2022-2027.

Nosioci aktivnosti: Radno tijelo za izradu Strategije, ključni eksperti, Agencija za razvoj preduzeća Eda i Vijeće za razvojno planiranje i upravljanje razvojem FBiH

Rok: 30.10.2022. godine

3.3. Faza III – Izrada operativnog okvira Strategije

3.3.1. Sastanak članova radnog tijela iz FMRPO i ključnih eksperata- definiranje prijedloga prioriteta, mjera, strateških projekata

Opis: Na osnovu strateške platforme kao i stručnih podloga eksperata, tokom sastanka članova Radnog tijela za izradu Strategije ispred Federalnog ministarstva razvoja, poduzetništva i obrta i ključnih eksperata utvđuje se prijedlog prioriteta za svaki strateški cilj te razmatraju mjere za svaki od prioriteta, kao i potencijalni strateški projekti, pri tome imajući u vidu i njihovu usklađenost sa prioritetima i indikatorima krajnjih rezultata, kao i sa prethodno utvrđenim/procijenjenim finansijskim okvirom. Prioriteti predstavljaju ključna polja i smjerove djelovanja za ostvarenje strateških ciljeva i trebaju biti jasno formulisani, ostvarivi u vremenskom periodu važenja Startegije razvoja male privrede FBiH, međusobno usklađeni, mjerljivi uz pomoć objektivno provjerljivih indikatora, te društveno i okolišno prihvatljivi. Mjerama se vrši detaljnija razrada prioriteta i iste trebaju biti jasno formulirane, ostvarive u vremenskom periodu važenja Strategije, međusobno usklađene i mjerljive uz pomoć objektivno provjerljivih indikatora. Mjere minimalno sadrže: vezu sa strateškim ciljem i prioritetom, naziv mjere, opis mjere sa okvirnim područjima djelovanja, indikatore za praćenje rezultata mjere, razvojni efekat i doprinos mjere ostvarenju prioriteta, indikativnu finansijsku konstrukciju sa izvorima finansiranja, period implementacije mjere, instituciju odgovornu za koordinaciju i implementaciju mjere. Za svaku mjeru neophodno je utvrditi indikatore sa polaznim i ciljnim vrijednostima. Također, moguće je definisati i strateške projekte kao intervencije najvećeg značaja za ostvarenje strateških ciljeva. Strateški projekti u ovoj sektorskoj strategiji trebaju imati višestruki efekat na razvoj male privrede i njihova implementacija može biti osnov za pokretanje drugih projekata. Strateški projekti sadrže kratki opis, očekivane efekte i indikativni finansijski okvir. Tokom ovog sastanka utvđuje se okvir prijedloga prioriteta, mjera i strateških projekata koji će se detaljnije razmotriti i utvrditi od strane Radnog tijela za izradu Strategije i na sastancima tematskih radnih grupa.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 05.10.2022. godine

3.3.2. Verifikacija prioriteta, mjera, strateških projekata

Opis: Verifikacija prijedloga prioriteta, mjera i strateških projekata biti će izvršena na sastancima četiri tematske grupe kako bi se razmotrila i potvrdila zastupljenost svih tematskih oblasti. Na sastancima tematskih grupa u konačnici će se usaglasiti prijedlog prioriteta za svaki strateški cilj te razmotriti predložene mjere za svaki od prioriteta, pri tome imajući u vidu i moguće aktivnosti koje će na najbolji način implementirati predloženu mjeru. Tokom sastanaka će se razmotriti usaglasiti prijedlozi strateških projekata u okviru Strategije razvoja male privrede FBiH.

Nosilac aktivnosti: Radno tijelo za izradu Strategije i članovi tematskih grupa

Rok: 10.10.2022. godine

3.3.3. Sastanak članova radnog tijela iz FMRPO i ključnih eksperata- upoznavanje sa rezultatima analize i radionica

Opis: Po finalizaciji sastanaka tematskih grupa vezanih za verifikaciju prioriteta, mjera i strateških projekata neophodno je održati sastanak članova Radnog tijela za izradu Strategije razvoja male privrede ispred Federalnog ministarstva razvoja, poduzetništva i obrta i ključnih eksperata u svrhu upoznavanja sa rezultatima analize i održanih radionica.

Tokom sastanka kao input se koristi nacrt utvrđenih prioriteta, mjera i strateških projekata uz analizu prisustva i uključenosti pojedinih članova tematskih grupa.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 14.10.2022. godine

3.3.4. Izrada indikativnog finansijskog okvira za provođenje strateškog dokumenta

Opis: Korak obuhvata izradu Indikativnog finansijskog okvira (IFO) odnosno okvira potencijalno dostupnih finansijskih sredstava po strateškim ciljevima, prioritetima i mjerama (iz budžeta FBiH, zaduživanja, EU i donatorskih). Izrađuje se nakon što se imaju jasno definisani prioriteti i mjere. Aktivnosti realizuje Radno tijelo za izradu Strategije uz podršku ključnih eksperata i predstavnika Federalnog ministarstvom finansija, što rezultira izrađenim okvirom potencijalno dostupnih finansijskih sredstava za realizaciju Strategije razvoja male privrede FBiH za period 2022.-2027. godina.

U slučaju potrebe za usklađivanjem sa ranije pripremljenom okvirnom prognozom mogućnosti za finansiranje strategije, Radno tijelo za izradu Startegije se sastaje i razmatra potrebne korekcije na nivou mjera tako što se od članova tematskih radnih grupa, koji su prethodno učestvovali u opisu tih mjera, traži da ih redefiniiraju i dostave korigirane prijedloge.

Nosioci aktivnosti: Radno tijelo za izradu Strategije

Rok: 17.10.2022. godine

3.3.5. Sastanak članova radnog tijela iz FMRPO i ključnih eksperata- verifikacija IFO

Opis: Po finalizaciji nacрта Indikativnog finansijskog okvira (IFO) neophodno je održati sastanak članova Radnog tijela za izradu Strategije razvoja male privrede ispred Federalnog ministarstva razvoja, poduzetništva i obrta i ključnih eksperata u svrhu upoznavanja sa izrađenim nacrtom IFO-om kako bi se isti verificirao odnosno potvrdila njegova izvodljivost.

Tokom sastanka kao input se koristi nacrt utvrđenih prioriteta, mjera i strateških projekata i nacrt indikativnog finansijskog okvira (IFO) radi dodatne verifikacije njihove usklađenosti i realne procjene izvodljivosti.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 20.10.2022. godine

3.3.6. Definiranje načina sprovođenja, praćenja, izvještavanja i evaluacije strateškog dokumenta

Opis: Uvažavajući stratešku platformu, definisane prioritete, mjere i strateške projekte Radno tijelo za izradu Strategije uz podršku ključnih eksperata utvrđuje sadržaj opisa odgovornosti institucija nadležnih za provođenje, praćenje, izvještavanje i evaluaciju Strategije razvoja male privrede FBiH uz opis postupaka, dinamiku praćenja, izvještavanja i evaluacije. Pri tome se razmatraju dva segmenta navedenog okvira: ključne aktivnosti i nosioci odgovornosti za provođenje aktivnosti, odnosno, aktivnosti vezane za praćenje i izvještavanje o provođenju sektorskog strateškog dokumenta.

Rezultat aktivnosti jeste izrađeni okvir za provođenje, praćenje, izvještavanje i evaluaciju Strategije razvoja male privrede FBiH za period 2022-2027.

Nosioci aktivnosti: Radno tijelo za izradu Strategije i ključni eksperti

Rok: 30.10.2021. godine

3.3.7. Provjera mjere usklađenosti s ostalim strateškim dokumentima u Federaciji BiH i BiH

Opis: Radno tijelo za izradu Strategije uz podršku ključnih eksperata vrši provjeru interne i eksterne usklađenosti Strategije razvoja male privrede FBiH. Provjera eksterne usklađenosti vrši se kroz usporedbu usklađenosti sa Strategijom razvoja Federacije BiH za period 2021.-2027. godina, ostalim strategijama višeg nivoa vlasti, ostalim sektorskim strategijama u FBiH, strateškim dokumentima proizašlim iz procesa evropskih integracija i Okvirom za provođenje ciljeva održivog razvoja u Bosni i Hercegovini. Pored eksterne usklađenosti, u ovoj fazi vrši se i provjera interne usklađenosti u smislu postojanja jasne i logičke hijerarhijske veze između mjera, prioriteta, strateških ciljeva i odgovarajućih indikatora definiranih unutar sektorske strategije. Za provjeru interne usklađenosti koristi se testiranje intervjuentne logike te obrazac sažetog pregleda strategije razvoja. Ukoliko se uoče nepodudarnosti, članovi tematskih grupa vrše potrebne korekcije u opisu mjera kako bi se postigla interna usklađenost. Korekcije vrše članovi tematskih radnih grupa koji su prethodno učestvovali u opisu mjera i dostavljaju doradene prijedloge Radnom tijelu za izradu Strategije na uvid. Članovi Radnog tijela za izradu Strategije unose finalne verzije opisa mjera, definiranih prioriteta i strateških ciljeva u obrazac za sažeti pregled strategije, s tim da se polja sa finansijskim vrijednostima popunjavaju naknadno, po završetku izrade indikativnog finansijskog okvira. Potom se izrađuju dijelovi strateškog dokumenta koji

tematiziraju navedenu oblast te se, na taj način, osigurava usaglašenost svih elemenata strategije.

Nosioci aktivnosti: Radno tijelo za izradu Strategije i članovi tematskih grupa

Rok: 30.10.2022. godine

3.3.8. Radionica članova Radnog tijela iz FMRPO i ključnih eksperata - razmatranje i usvajanje Nacrta Strategije razvoja male privrede

Opis: Po finalizaciji nacrta svih elemenata i segmenata nacrta Strategije razvoja male privrede FBiH neophodno je održati sastanak članova Radnog tijela za izradu Strategije razvoja male privrede ispred Federalnog ministarstva razvoja, poduzetništva i obrta i ključnih eksperata u svrhu upoznavanja sa izrađenim nacrtom Strategije kako bi se sadržaj istog prodiskutirao i verifikovao sa nosiocima izrade dokumenta.

Tokom sastanka kao input se koristi nacrt Strategije razvoja male privrede Federacije BiH za period 2022-2027. godina.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 05.11.2022. godine

3.4. Faza IV – Izrada i usvajanje Strategije

3.4.1. Finalizacija Nacrta Strategije razvoja male privrede

Opis: Na osnovu inputa sa prethodnog sastanka i provjere kvalitete dokumenta od strane ključnih eksperata finalizira se nacrt Strategije razvoja male privrede Federacije BiH za period 2022-2027. godina koji sadrži sve propisane elemente i segmente sektorskog strateškog dokumenta, a u skladu sa Zakonom o razvojnom planiranju i upravljanju razvojem u FBiH, kako je naprijed opisano.

Nosilac aktivnosti: Ključni eksperti

Rok: 10.11.2022. godine

3.4.2. Radionica Radnog tijela i ključnih eksperata - razmatranje i usvajanje Nacrta Strategije razvoja male privrede

Opis: U okviru ovog koraka realizuje se radionica Radnog tijela za izradu Strategije i odabranih ključnih eksperata u svrhu razmatranja nacrta Strategije razvoja male privrede FBiH te njenog usvajanja. Ključni eksperti prezentiraju pripremljeni nacrt članovima Radnog tijela za izradu Strategije te se nakon konačnog razmatranja i diskusije nacrt dokumenta usvaja od strane Radnog tijela te priprema za proces javnih konsultacija.

Nosilac aktivnosti: Ključni eksperti i članovi Radnog tijela za izradu Strategije

Rok: 15.11.2022. godine

3.4.3. Konsultacije na pripremljeni dokument

Opis: Završna faza izrade Strategije razvoja male privrede FBiH, podrazumijeva konsultacije o pripremljenom dokumentu nacrtu Strategije razvoja male privrede za period 2022-2027. U svrhu dobivanja povratnih informacija o strane socio-ekonomskih partnera i svih drugih zainteresiranih strana, nacrt Strategije pušta se u konsultacije koje treba da traju minimalno 30 dana. Nacrt strategije objavljuje se na web stranici Federalnog ministarstva razvoja, poduzetništva i obrta, dostavlja Vladi FBiH, javnim institucijama, javnim preduzećima i drugim zainteresiranim stranama u FBiH. Konsultacije se provode sa zainteresovanom javnošću u skladu sa kapacitetima i vremenskim okvirom izrade Strategije razvoja male privrede, a podrazumijevaju prezentaciju i online konsultacije nacrtu strategije i okrugle stolove, radionice, zavisno od dostupnih resursa i vremenskog okvira za izradu ovog strateškog dokumenta. U okviru javnih konsultacija organizuje se minimalno 1 prezentacija nacrtu Strategije razvoja male privrede FBiH za predstavnike male privrede i socio-ekonomske aktere čiju organizaciju će podržati Agencija za razvoj preduzeća Eda. Učesnici konsultacija su i socio-ekonomski partneri (nevladin i privatni sektor), akademska zajednica i dr.

Po završetku javne rasprave, komentari i sugestije se objedinjavaju i prihvataju/odbijaju uz obrazloženje te time izrađuje finalna verzija nacrtu Strategije razvoja male privrede FBiH za period 2022-2027. godina.

Rezultat aktivnosti jeste predstavljen dokument Strategije razvoja male privrede FBiH širem krugu aktera i provedene konsultacije.

Nosioci aktivnosti: Radno tijelo za izradu Strategije, Agencija za razvoj preduzeća Eda

Rok: 15.12.2022. godine

3.4.4. Korekcije strateškog dokumenta u skladu sa prijedlozima iz javne rasprave, dodatno usklađivanje, kontrola, lektoriranje dokumenta

Opis: Po okončanju konsultativnog postupka, na osnovu komentara, prijedloga i sugestija dostavljenih od zainteresirane javnosti, članovi Radnog tijela za izradu Strategije uz podršku ključnih eksperata razmatraju prikupljene materijale, vrše korekcije i dopune strateškog dokumenta. Na osnovu toga se priprema radna verzija strateškog dokumenta u formi nacrtu, koja se dalje prosljeđuje Vijeću za razvojno planiranje i upravljanje razvojem FBiH na razmatranje prije dostavljanja Vladi FBiH na razmatranje. Ovdje je bitno da se osigura povratna informacija zainteresiranoj javnosti o statusu zaprimljenih komentara, prijedloga i sugestija (preporuka je da se to uradi objavljivanjem izvještaja o provedenim finalnim konsultacijama na nacrt strateškog dokumenta).

U ovom koraku vrši se i lektorisanje dokumenata kako bi se osigurao kvalitet dokumenta i sa aspekta pravopisa, kao i prevođenje dokumenta.

Nosioci aktivnosti: Radno tijelo za izradu Strategije, ključni eksperti, Vijeće za razvojno planiranje i upravljanje razvojem FBiH

Rok: 17.12.2022. godine

3.4.5. Radionica članova Radnog tijela iz FMRPO i ključnih eksperata - razmatranje i usvajanje finalnog teksta Prijedloga Strategije razvoja male privrede

Opis: Po finalizaciji svih koraka javnih konsultacija i pripreme konačnog nacrtu Strategije razvoja male privrede FBiH neophodno je održati sastanak članova Radnog tijela za izradu Strategije razvoja male privrede ispred Federalnog ministarstva razvoja, poduzetništva i obrta i ključnih eksperata u svrhu upoznavanja sa izrađenim finalnim tekstom Strategije kako bi se sadržaj istog prodiskutirao i verificovao sa predstavnicima nosioca izrade dokumenta.

Tokom sastanka kao input se koristi finalni tekst Strategije razvoja male privrede Federacije BiH za period 2022-2027. godina.

Nosilac aktivnosti: Federalno ministarstvo razvoja, poduzetništva i obrta i ključni eksperti

Rok: 18.12.2022. godine

3.4.6. Radionica Radnog tijela i ključnih eksperata - razmatranje i usvajanje finalnog teksta prijedloga Strategije razvoja male privrede

Opis: U okviru ovog koraka realizuje se radionica Radnog tijela za izradu Strategije i odabranih ključnih eksperata u svrhu razmatranja finalnog teksta prijedloga Strategije razvoja male privrede FBiH te njenog usvajanja. Ključni eksperti prezentiraju pripremljeni finalni tekst članovima Radnog tijela za izradu Strategije te se nakon konačnog razmatranja i diskusije finalni tekst prijedloga dokumenta usvaja od strane Radnog tijela te dostavlja u dalji proces konačnog usvajanja.

Nosilac aktivnosti: Ključni eksperti i članovi Radnog tijela za izradu Strategije

Rok: 20.12.2022. godine

3.4.7. Dostavljanje dokumenta Strategije ministru razvoja, poduzetništva i obrta u Vladi FBiH i nastavak procedure usvajanja Strategije

Opis: Po izradi finalnog teksta prijedloga Strategije razvoja male privrede za period 2022.-2027. godina i usvajanja od strane Radnog tijela za izradu Strategije, navedeni dokument dostavlja se ministru razvoja, poduzetništva i obrta u Vladi Federacije BiH a potom i Vladi Federacije BiH na razmatranje i usvajanje. Po usvajanju od strane Vlade Federacije BiH Strategija razvoja male privrede Federacije BiH za period 2022-2027. dostavlja se u dalju proceduru razmatranja i usvajanja od strane Parlamenta Federacije BiH.

Nosilac aktivnosti: Radno tijelo za izradu Strategije/Federalno ministarstvo razvoja, poduzetništva i obrta

Rok: 31.12.2022. godine

Aneks: Sadržaj Strategije razvoja male privrede Federacije BiH za period 2022-2027. godina

Naslovna stranica

Predgovor – Federalni ministar razvoja, poduzetništva i obrta

Sadržaj

Lista tabela i grafikona

Lista skraćenica

Uvod

Strateška platforma

Strateški fokusi

Strateški ciljevi

Strateški cilj 1....

Strateški cilj 2...

Strateški cilj 3...

Vizija razvoja male privrede

Prioriteti i mjere sa indikatorima

Strateški projekti

Indikativni finansijski okvir

Sažeti pregled Strategije

Usklađenost s ostalim strateškim dokumentima FBiH i BiH

Okvir za praćenje, provođenje, izvještavanje i evaluaciju Strategije razvoja male privrede za period 2022.-2027.

Aneksi

Detaljan pregled mjera

Situaciona analiza